

元和郡縣圖志卷第十八



河北道第三



易定節度使

定州

易州

滄景節度使

滄州

景州

定州

傳陵

開元戶六萬五千四百六十一
元和戶二萬八千三百三十一

今為易定節



中山孝王衍是為
仍置中山尹後魏道武帝平
置安州又改為定州以安定天下為名
年以中字犯廟諱改中山郡為鮮虞郡大業
為博陵郡遙取漢博陵郡為名也九年又改為高陽
郡隋末陷賊武德四年討平竇建德復置定州復開

皇之舊名也天寶元年改為博陵郡乾元元年復為
定州

州境
東西一百七十四里
南北三百里
西南至上都二千八十五里
西北至易州二百五十里
東北至蔚州四百七十里
西南取藁城路至趙州一百九十五里

貢賦

開元貢兩窠
田交

安險縣後漢改為

涑水音苦反一名唐河在縣北八

長星川南去縣八里

天井澤在縣東南四十七里週回六十二里

新樂縣中東北至本春秋鮮虞國漢為新市縣之地隋

開皇十六年置新樂縣屬定州改新樂故城為名也

新樂者漢成帝時中山孝王母馮昭儀隨王就國王
為建宮於樂里在西鄉呼為西樂城時人語訛呼西
為新故為新樂

儀臺縣西南十三里後燕錄曰慕容麟與道武戰于
儀臺燕師敗績

木刀溝在縣之南

生木名刀因為

魏明

自解瀆

也

一里

長林溝今名

唐縣上東南至五十里本春秋時鮮原邑漢唐縣之地即古

唐侯國堯初封於此今定州北有故唐城是堯所封

也漢唐縣屬中山國高齊省入安喜縣隋開皇十六

年重置屬定州皇朝因之

孤山蓋都山地縣東北五十四里

滏水一名唐水西去縣一百五十步

寡婦故城縣北九里後漢賈復追銅馬五幡賊於此

築城後人語訛轉呼為寡婦

八度故關縣西北二十里

倒馬故關縣西北一百一十三里以滏水東經倒馬

關山路險有

山在北堯母

魏屬

北平縣

八十三里

屬中山國陳平

封曲逆侯後漢章帝巡幸以曲逆名不善改為蒲陰
縣後魏孝明帝改名北平縣於今縣東北二十里北
平郡割中山國之蒲陰望都北平三縣屬之高齊省
北平郡及蒲陰縣以北平縣屬山中郡開皇三年屬
定州皇朝因之萬歲通天二年契丹攻圍七旬不下

救改為狗中縣尋復舊名

蒲陽山在縣西北四十里

濡水縣西五里

安陽故關縣西北二十五里

無極縣上北至州八十里本漢無極縣屬中山國後魏

省高齊重置焉

小育月是二十

廉頗臺在縣

一里慕容恪墓

冉閔大敗即此也

木刀溝在縣南二里

深澤縣州西北至本漢南深澤縣也以涿郡有深澤

縣故此加南以別之屬中山國高齊省隋開皇六年

分安平縣於深澤河北重置深澤縣屬定州皇朝曰之

深澤河縣南二十五里光武為赤眉所追至深澤欲

渡導吏還言水深無舡左右懼上使王霸前瞻水霸

恐驚眾乃言可渡比至冰合以囊沙布冰上乃渡未

畢數車冰陷今名溝傍合處為危渡口

恒陽縣上東至州本漢上曲陽縣屬常山郡後漢屬

中山國高齊屬中山

下青州

考

後燕故苑縣

恒岳觀在縣南百餘步

真君廟在縣東北十里嘉禾山下

恒岳下廟在縣西四十步

北平軍在州西三里開元十年置

易州上谷

開元戶三萬七千二百一十七
元和戶五百六十九

鄉七十二
鄉四十五

禹貢冀州之域虞及周為并州地春秋時屬燕晉戰國時屬燕趙秦置三十六年以為上谷郡漢分制涿郡今州則漢涿郡故安縣之地隋開皇元年又屬易州因州南十三里易水為名上谷郡遙取漢上谷以為名隋亂陷賊武德四年又改為易州高陽軍在州城內開元二十年置

州境東西二百一十里

八到西南至上都二千三百四十五里

東北至幽州一千四百七十五里

東至莫州一百九十里

西北至蔚州取飛狐路三百六十里

貢賦

賦開元貢納綿墨

管縣六

易縣

涑水

容城

遂城

蒲城

五迴

易縣郭上本漢故安縣屬涿郡文帝以申屠嘉為故安侯隋開皇十六年於漢故城西北隅至易縣故城即燕之南郡周迴約三十里

孔山在縣西南四十五里有鍾乳穴深涑水自蔚州飛狐縣流入

易水一名故安河出縣西寬谷中周官曰并州其寢涑易燕太子丹送荆軻易水之上即此水也

武陽故城縣東南七里故燕之下都

范陽故城秦范陽縣也在東南六十二里在范水之陽故蒯通說武信君使賜范陽令侯印趙地聞之不戰而下者四十餘城

樊於期故城縣西十三里於期授首荆軻處

涑水縣上西南至州四十二里本漢遵縣子由屬涿郡因省入

涿縣隋開皇元年又於此置范陽縣遙取漢范陽為名十年又改為永陽縣屬幽州十六年改屬易州十六年以重名改涑水縣縣近涑為名

涑水一名巨馬河東北二里袁紹將崔巨業攻固安

不下公孫瓚擊敗之於水死者六七千人即此水也石泉故城縣西北三十里在衆山之內平山之中四周絕澗壁立五丈水不周處路不容輟

容城縣上西北至州八十八里本漢舊縣屬涿郡高齊省入范陽縣開皇元年改屬道縣天寶元年改為容城復漢舊名

遂城縣上北至州七十里本漢北新城縣屬涿郡後魏除北

字尋又省隋開皇三年移後魏新昌縣於此屬易州十六年改新昌縣為遂城按縣城即戰國時武遂城也趙將李牧攻燕後武遂方城即此也後魏孝武帝永熙二年以

韓瓚為營州刺史行達此城值盧曹構逆就置南營州以瓚為刺史所部三千餘人並雄武冠時因號英雄城

蒲城縣中東北至州一百四里本漢北平縣屬中山國高祖以

張蒼為北平侯後漢世祖追銅馬五幡賊於北平破之即此後魏於此置永樂縣天寶元年改為蒲城縣以縣北故蒲城為名

五迴嶺在縣西北五十里高四十許里建安元年魏太祖表封公孫度為永寧鄉侯度曰我王遼東何永寧也

五迴縣中 東至州本漢北平縣地開元二十三年

刺史盧暉奏置在五迴山東麓因名之二十四年刺

史田琬以其險隘東遷於五公城在今易縣西六十里

滄州景城 開元戶九萬八千一百五十七 鄉一百七十九

今為滄景節度理所

管州二

管縣十二

滄州 縣七

景州 縣五

禹貢冀州兗州之域後魏孝明帝熙平二年分瀛州
冀州置滄州以滄海為名大業二年罷州為渤海郡
武德元年改為滄州二年隋竇建德四年討平建德

州仍舊

州境 東三百一十二里 西三百一十二里 南四百五里 北四百五里

八到 西南至上都二千二百二十里 西南至東都一千三百六十里 西南至景州一百二十里 東南至棗州二百五十里 西北至幽州五百五十里 西南至德州二百四十里 東至大海一百八十里

貢賦

開元貢柳箱 賦綿絹

蓆蓆

糖蟹

鯉鱒

管縣七

清池

長蘆

魯城

鹽山

饒安

樂陵

無棣

清池縣

望下 本漢浮陽縣屬渤海郡在浮水之陽後

魏屬滄州隋開皇八年改爲清池縣以縣東有作清池因以爲名池在縣東一里

作清池縣東南一十五里

長蘆縣上東南至州三百四十里本漢參戶縣地周大象二年於

此置長蘆縣屬章武郡水經云長蘆水名也水傍多

芎葦因以爲名隋開皇屬瀛州貞觀後改屬滄州

參戶故城一名木門城在縣西北四十里

薩摩陂在縣北十五里周迴五十里有蒲魚之利

魯城縣上南至州一百里本漢章武縣屬渤海郡有監官高

齊省隋開皇十六年於此置魯城縣

大海在縣東九十里

平魯渠在郭內魏武北伐匈奴開之

鹽山縣上西至州六十里本春秋齊無棣邑也管仲曰北至

于無棣漢於此置高城縣屬渤海郡武帝以平津鄉

封公孫弘即此縣鄉也隋開皇十八年改爲鹽山縣

鹽山在縣東南八十里

饒安縣北至州九十里本漢千童縣即秦千童城始皇遣

徐福將童男女千人入海求蓬萊至此城以居之故

號漢以爲縣屬渤海郡靈帝置饒安縣以其地豐饒

可以安人後魏屬滄州隋不改

胡蘇河在縣西五十里
無棣河在縣南二十里

樂陵縣上北至州一百三十五里本燕將樂毅攻齊所築漢以為縣屬平原郡即漢大司馬史高所封之邑後魏屬樂陵郡隋開皇三年罷郡屬滄州

重合故城縣東二百步漢重合縣武帝封莽通為重合侯

無棣縣上西北至州一百二十里本春秋時齊之四履北至之地在漢為信陽縣地隋開皇六年割信陽饒安置無棣縣以南臨無棣溝因以為名屬滄州

橫海軍在州城西南開元十四年置

景州上元和戶五千二十五鄉一十五

本漢景城縣屬渤海郡隋開皇三年罷郡屬滄州十六年又於長芦縣置景州大業二年廢武德四年重置貞觀元年廢以所屬縣分入滄州貞元二年於弓

高縣重置

州境東西南北

八到西南至上都二千一百里
西南至冀州二百一十里
南至德州二百里
北至瀛州一百四十里

西南至東都一千二百四十里
東北至滄州一百二十里

貢賦

與滄州同

管縣五

弓高

南皮

景城


東光

臨津


以後闕文

內十九二十二十一關

五十七号



以下白页



元和郡縣圖志卷第二十一

山南道二

襄州

襄陽節度使

襄陽大都督府

開元戶三萬六千三百五十七
元和戶十萬七千一百七

今為襄陽節度理所

鄉一千七
鄉一百六十一

管州八

襄州

鄧州

復州

郢州

唐州

隨州

均州

房州

縣三十八

都管戶一十四萬二千

禹貢荆豫二州之域於周諸國則穀鄧鄭盧羅若之地春秋時地屬楚秦兼天下自漢以北為南郡今鄧

州南陽縣是也漢以南爲南郡今荊州是也後漢建安十三年魏武平荊州置襄陽郡自赤壁之敗魏失江陵而荊州都督理無常處吳將諸葛瑾陸遜皆數入其境自羊公鎮襄陽吳不復入永嘉之亂三輔豪族流於樊沔僑於漢水之側立南雍州孝武帝以次序爲南雍州刺史符堅遣將苻丕攻陷襄陽序爲丕所擒後堅敗州復歸晉安帝時魯宗之爲刺史仍於州理置寧蠻校尉梁太清二年岳陽王蕭詧爲雍州刺史兄河東王譽爲元帝所殺詧怒以州北附西魏尅江陵以詧爲梁王都江陵爲西魏藩國恭帝改雍

州爲襄州因州南襄水爲名也按襄陵去江陵陸道五百里勢同輔車無襄陽則江陵受敵自東晉庾翼爲荊州刺史將事北伐遂鎮襄州北接宛洛跨對樊沔爲荆郢之北門代爲重鎮周置總管隋置行臺皇家初亦置山南道行臺武德七年廢行臺置都督府貞觀六年廢都督府改爲州永貞元年昇爲大都督府

州境

東西二百四十六里

南北三百六十七里

西北至上都一千八百五十里

東至隨州三百五十里

南至江陵府四百七十里

西至房州陸路四百二十里

東南至鄧州三百二十里

水路五百八十四里

八到

西北至均州三百六十里

貢賦

開元貢
元和貢

火麻布
麝香

庫路貢
綾紗
漆器

竹扇

橙子

管縣七

襄陽

臨漢

南漳

義清

宜城

樂鄉

穀城

襄陽縣

郭下

本漢舊縣也屬南在襄水之陽故以為

名魏武平荊州分南郡置襄陽郡縣屬焉後遂不改

峴山在縣東南九里山東臨漢水古今大路羊祜鎮

襄陽與鄒潤甫共登此山後人立碑謂之墮淚碑名

其文即蜀人李安所製

萬山一名漢臯山在縣西十一里與南陽郡鄧縣分
界處古諺曰襄陽無西言其界促近

檀溪在縣西南初梁高祖鎮荊州聞齊王崩令蕭遙
光等五人輔政謂之五貴歎曰政出多門亂其階矣

陰懷平京師之意潛造其械多伐斫竹木沉於檀溪
為舟裝之備叅軍呂僧珍獨悟其旨亦私具櫓數百

張及義師起乃取檀溪竹木裝戰艦諸將爭搆僧珍
每舡付二張事尅集今溪已乾涸非其舊矣

州理中城在縣東邊一處有土赤色昔符丕攻襄陽
朱序用道法以朱沙燻之至今土色有異西北角夫

人城符丕之攻也朱序母深識兵勢登城履行知此處必偏受敵令加修築寇肆力來攻果衄而退因謂之夫人城

劉琦臺縣東三里琦與諸葛亮登臺去梯言之所也諸葛亮宅在縣西北二十里

習郁池縣南十四里

臨漢縣緊南至二里本漢鄧縣地也則古樊城仲山甫之國也西魏於此立安養縣屬鄧城郡周天和五年改屬襄州天寶元年改為臨漢縣縣城南臨漢水魏將軍曹仁處樊蜀將關羽圍樊使于禁龐德救之會漢

水暴長羽以舟師攻禁禁遂降羽德瞋目不屈羽殺之故鄧城在縣東北二十二里春秋鄧國也桓七年鄧侯吾離來朝是也楚文王滅之

鄧塞故城在縣東南二十二里南臨宛水阻一小山號曰鄧塞昔孫文臺破黃祖於此山下魏嘗於此裝治舟艦以伐吳陸士衡表稱下江漢之卒浮鄧塞之舟謂此也

南漳縣中東北至州一百四十里本漢臨沮縣地按臨沮縣今在荆州富陽縣西北臨沮故城是也後魏於此置重陽縣隋為南漳縣

荆山在縣西北八十里三面險絕唯東南一隅纔通人徑

祖山在縣東北一百八里吳時朱然諸葛瑾從沮中乘山險道北出祖中音祖去襄陽城百五十里按此是地名非山蓋以地山相近因名或云司馬宣王鑿八疊山開路於此停祖也

襄水出縣北一百一十里白石山

義清縣中東北至五十八里本漢中廬縣地也西魏於此置義

清縣後因之中廬故縣在今縣北二十里本春秋廬戎之國秦時謂之伊廬項羽亡將鍾離昧家在伊廬也

長渠在縣東南二十六里派引蠻水昔秦使白起攻楚引西山谷水兩道爭灌鄢城一道使沔北人一道使沔南人遂拔之

宜城縣九北至五里本漢即音忌縣地也城東臨漢江古

諺曰即無東言其東逼漢江其地短促也宋孝武大明元年以胡人流寓者立華山郡理之後魏改爲宜城周改宜城爲道縣屬武泉郡開皇三年罷郡屬襄陽皇朝因之天寶元年改爲宜城縣

漢水在縣東九里

故宜城在南縣南九里本楚鄢縣秦昭王使白起伐

楚引蠻水灌鄢城拔之遂取郢即此城也至漢惠三年改名宜城

樂鄉縣中下東北至本春秋時郟國之城在今縣北

三十七里郟國故城是也在漢為若縣地晉安帝於

此置樂鄉屬武寧郡大業三年改屬竟陵郡皇朝改

屬襄州

漢水東去縣四十二里

穀城縣上東南至州本春秋時穀國左傳穀伯綏來

朝今縣北十五里故穀城是也漢為筑音陽縣蕭何

子封筑陽侯即此也開皇七年改為穀城縣屬襄州

筑水在縣南百二十步

鄧州上南陽

開元戶三萬八千六百一十一元和戶一萬四千一百四

鄉五十八鄉六十一

禹貢豫州之域周為申國戰國時屬韓蘇秦說韓惠王曰韓西有宜陽東有穰洧是也昭襄王取韓地置南陽郡以在中國之南而有陽地故曰南陽三十六郡襄陽居其一焉漢因之領縣三十六理宛城後漢於郡理置南都建安中張繡屯兵於穰降魏魏於穰置萬州晉宣王夏侯伯仁皆為都督或理宛或理新野永嘉五年為劉聰所沒成帝咸康四年復歸於晉符堅之亂又沒前秦姚興時又復還晉後魏孝文南

侵又陷之梁普通中暫尅還入魏太和中置萬州理穰縣今鄧州所理是也開皇七年梁王歸入隨自穰縣移萬州還江陵於穰縣置鄧州大業三年改為南陽郡武德二年復為鄧州

州境東西五百九十里南北三百八十二里

八到北至上都五百九里東北至汝州四百七十五里南至襄州一百八十里西南至均州三百四十里

北至東都六百四十五里東至唐州三百二十里

貢賦開元貢紵紵絲布一十疋

管縣七 穰縣 南陽 新野 向城 臨湍

菊潭 內鄉

穰縣郭望下漢舊縣本楚之別邑取豐穰之義後屬韓

秦武王攻取之封魏冉為穰侯漢以縣屬南陽郡後

魏既尅南陽於此城置荊州開皇三年屬鄧州皇朝因之

湍水音北至縣七里

六門堰在縣西三里漢元帝建昭中召信臣為南陽

太守復於穰縣南六十里造鉗盧陂累石為隄傍開

六石門以節水勢澤中有鉗盧玉池因以為名用廣

溉灌歲歲增多至三萬頃人得其利後漢杜詩為太

守復修其陂百姓歌前有召父後有杜母

南陽縣緊西至州一百二十里本周之申國也平王毋申后之家

漢置宛縣屬南陽郡更始即帝位代祖納陰后並於宛城魏代荊州都督所理至隋改為南陽縣屬鄧州精山在縣西北二十七里黃巾賊據宛城漢西鄉侯朱雋擊破之餘衆走保精山謂此也

涇水東去縣三里南都賦曰涇水蕩其胷是也

新野縣州中西北至七十里本漢舊縣也屬南陽郡魏代新野

縣為荊州都督所理王昶為都督即鎮此城晉惠帝

立新野郡開皇三年罷郡縣屬鄧州

涇水西去縣二百步

後漢西華侯鄧晨宅在縣北二十四里晨新野人世

祖姊夫也初起兵新野王莽焚其冢墓洿其宅宗族

怒曰幸自富足何故隨婦家入湯鑊中晨終無恨

陰皇后宅在縣東北擣衣石存焉

向城縣上一百九十里本漢西鄂縣地春秋時向邑江

夏有鄂故此加西後魏孝文帝於古向城置向城縣

屬此涇郡貞觀九年改屬鄧州

豐山在縣南三十二里有九鍾霜降則鳴

西鄂故城在縣南二十里張衡即此縣人故宅餘址

猶存

魯陽關在縣北八千里今鄧汝二州於此分境荆豫

徑途斯為險要張景陽詩云朝登魯陽關狹路峭且深
博望故城在縣東南四十五里張騫封邑

臨湍縣

州上東南至八十五里

本漢冠軍縣地後魏孝文帝割縣

北境置新縣屬南陽郡廢帝以近湍水改為臨湍隋
又復改為新城天寶元年又改為臨湍縣

翼望山在縣西北二百里湍水出焉

冠軍故城在縣南四十里漢武帝以霍去病討匈奴
功冠諸侯故封此縣以褒異之

後漢膠東侯賈復宅在縣南三十五里

楚堰在縣南八里擁斷湍水高下相承八重溉田五

百餘頃

菊潭縣

上東南至州一百五十里

本漢

酈

音縣

武陶戍之地後

魏廢帝因武陶戍置郡開皇三年罷郡以為菊潭縣
因縣界內菊水為名屬鄧州

菊水出縣東石澗山其傍多菊水極甘馨谷中三十
餘家不復穿井仰飲此水皆壽百餘歲王暢袁隗為
太守命郡縣月送水三十斛飲食沐浴悉皆用之

內鄉縣

上東南至州二百四十里

本楚之析邑後屬於秦史記秦

昭王發兵出武關攻楚取析十五城是也漢以為縣
屬弘農郡後漢屬南陽郡後魏於此置新陽郡廢帝

改爲中鄉縣開皇三年以避廟諱改爲內鄉屬鄧州
 析水北自盧氏縣界流入與丹水合古今謂之析口
 縣城即楚析縣也史記楚頃襄王元年秦出武關斬
 楚衆五萬取析十五城漢高祖入關下析酈是也
 復州竟陵 開元戶五千二百三十三 鄉一十一
元和戶七千六百九十 鄉十五
 禹貢荊州之域春秋戰國並屬楚史記白起拔郢東
 至竟陵即此是也秦屬南郡在漢即江夏郡之竟陵
 縣地也晉惠帝分江夏立竟陵郡周武帝改置復州
 取州界復池湖爲名也貞觀七年州理在沔陽縣寶
 應二年移理竟陵縣

州境

東西四百三十里
 南北六百九十里
 西北至上都一千六百八十五里
 西北至東都一千四百二十五里
 東至沔州陸路三百四十里水路七百里
 西北至郢州陸路五百五十里官路三百里
 東北至安州三百三十里
 南路至沔陽縣一百三十里自縣南至岳州水路五百里
 開元貢 白紵布一十疋

貢賦

管縣三 竟陵 沔陽 監利

竟陵縣

中郭下

漢舊縣也屬江夏郡舊縣在今郢州長

壽縣界境陵大城是也周屬復州大業三年改復州

爲沔州縣屬不改武德又屬復州

五華山在縣東北七十里縣城本古風城也古之風

國即伏羲風姓也南臨汭水

汭陽縣中下北至州一百三十里本漢雲杜縣地梁天監二年分

置汭陽縣即今縣東三十里汭陽故城是今汭陽縣

即後魏所置建興縣大業三年改建興縣為汭陽郡

武德改屬復州

汭水在縣南八十步東入汭川縣界

馬骨湖在東南百六十里秋夏汎漲淼漫若海春久

遂涸即為平田周迴一十五里

監利縣中下東北至州二百六十里本漢華容縣地也晉武帝太康

五年分立監利縣屬南郡開皇三年改復州

大江在南一百三十里

郢州富水開元戶五千六百九十九元和戶一萬一千九

本江夏郡雲杜縣之地周地圖記曰蠻人酋渠田金

生代居此地常為邊患梁普通末遣郢州刺史元樹

討平之因置新州後魏廢帝二年改為溫州因溫水

為名也隋末廢溫州縣並入安陸郡武德四年於金山

縣重置溫州貞觀十七年廢溫州於長壽改置郢州

州境東西南北

八到西北至上都一千三百八十五里西北至東都一千一百二十五里

東南至復州三百里西南至襄州二百一十里

貢賦

正南微西至江陵府三百里
東北至隨州三百九十里
開元貢白紵布二十端

管縣三 長壽 京山 富水

長壽縣即下本漢竟陵縣地宋分置長壽縣理石城
即今縣理是也屬竟陵郡魏文帝大統十七年於縣
改置郢州縣屬焉後遂因之

漢水去縣十步

縣城本古之石城背山臨漢水吳於此置牙門戍城
羊祜鎮荊州亦置戍焉即今州理是也

京山縣下西至州一百六十里本漢雲杜縣地也隋屬温州大業

二年改為京山縣皇朝温州所理在此貞觀十七年
罷温州縣屬郢

大洪山在縣西北二百里孤秀為衆山之傑山多鍾乳
溫湯水在縣南十五里擁以溉稻田其收數倍經其
家多凶

富水縣中一百西南至州本漢安陸縣地後漢分其地置
新市縣屬江夏郡後漢有新市平林兵謂此後魏改
新市為富水縣取界富水為名

富水南去縣一百步

唐州淮安

開元戶二萬一千五百九十七
元和戶四萬七百四十七

鄉四十五
鄉八十七

禹貢豫州之域春秋時為楚地秦為南陽郡地自漢迄宋皆同後魏太和中於此置東荊州理比陽古地其後改為淮州開皇五年又改為顯州貞觀九年改為唐州

州境

東三百八里
南三百十里
西北至上都取葉縣路一千三百四十里

八到
西北至東都五百二十里
西北取上州路至東都一千二百二十五里
西至鄧州三百二十里
南至隨州三百六十里
東至蔡州二百四十里
東南至申州二百六十里
東北至許州二百七十里
西南至襄州三百五十里
北至汝州葉縣一百八十里
自葉取龍興路至

汝州一百八十里

貢賦

元和貢
元和貢

絹十疋
布

管縣七

比陽

慈丘

桐栢

平氏

湖陽

方城

泌陽

比陽縣郭上下

本漢舊縣屬南陽郡比水所出故曰比

陽後魏屬江夏郡隋屬淮安郡貞觀改屬唐州

顯望崗在縣西北六十里

比水南去縣二里後漢代祖破甄阜梁丘賜於比水

斬之即此水也

舞陰故城在縣西北六十五里漢縣屬南陽郡曹公

與張繡戰引還舞陰即此城也

慈丘縣 上西南至州七十里 本漢比陽縣之地後魏孝文於此

置江夏縣并置江夏郡領之開皇三年廢郡縣屬淮

州十八年改名慈丘取慈丘山為名

慈丘山在縣西五十里

比水出縣東南大湖山

桐栢縣 中西北至州一百二十里 漢平氏縣之東界也梁於此置

義鄉縣開皇十八年改為桐栢山為名也

桐栢山在縣西南九十里禹貢曰導淮自桐栢出紫草

木木山俗名天目山在縣東北五十五里祖逖為豫

州刺史藏家口於木木山即此山也山上有池時人

號為天目

淮水出縣南桐栢山一名大復山

淮瀆廟在縣西六十里桐栢山東北

平氏縣 中東北至州七十里 本漢穰縣屬南陽郡晉屬義陽郡

其後為北人侵掠縣皆丘墟後魏於平氏故城重置

屬淮州隋改屬淮安郡

醴水出縣東南桐栢山西流經縣北三里與淮同導

西流為醴東流為淮

湖陽縣 中東北至州一百六十里 古蓼國也左傳曰鄭人將與隋

絞州蓼伐楚注曰今義陽東湖陽縣是也地理志曰
蓼國咎繇後為楚所滅後魏孝莊帝於此立湖州貞
觀元年廢以湖陽屬唐州
方城縣上東南至州一百六十里本漢堵者音陽地也屬南陽郡在
堵水之陽故名後漢朱祐為堵陽侯梁於此署堵陽
郡隋改置方城縣取方城山為名也屬滎陽郡貞觀
改屬唐州
方城山在縣東北五十里即沮溺耦耕處在左傳屬
宇對齊桓公楚國方城以為城漢水以為池是也
堵水西去縣三十五里

泌陽縣州中一東至本漢棘陽縣地後魏於此置襄城郡
領襄城上馬二縣貞觀元年廢入湖陽縣開元十三
年刺史白知節奏復置天寶元年改為泌陽

隨州

漢東

開元戶一萬三千二百一十六
元和戶一萬二千七百一十六

鄉二十七

本春秋時隨國與周同姓左傳曰漢東之國隨為大
注曰今義陽隨縣也其後為楚所滅為南陽郡地漢
立為隨縣屬南陽郡晉太康九年分義陽置隨郡自
宋已還多以封建子弟為王後魏文帝大統十六年
改隨州後遂因之

州境

東西三百七十里
南北二百七十八里

八到

西北至上都一千四百三里
西北至東都一千一百六十五里
西至襄州三百五十里
東南至安州一百五十里
西南至鄧州三百九十里
東北至申州二百四十里
西至唐州三百六十里

貢賦

開元貢
元和貢

羅綾
綾羅

賦

絹布綿

管縣四

隨縣

光化

棗陽

唐城

隨縣上本漢舊縣屬南陽郡即隨國城也歷代不改
厲山亦名烈山在縣北百里禮記曰厲山氏炎帝也
起於厲山故曰厲山氏
斷蛇丘在縣北二十五里即隨侯救斷蛇處

澧水在縣西四十里左傳曰楚武王伐隨莫敖屈重
除道梁澧

平林故城在縣東北八十八里王莽末關東起兵陳
牧廖堪起兵號平林兵

李梁廟在縣南門外道西三十二步

光化縣下州西北至本漢隨縣地南齊武帝分其地立

安化縣屬隨郡後魏文帝改為新化縣廢帝改為光

化縣耳

棗陽縣上州東南至本漢蔡陽地屬南陽郡後漢分蔡

陽立襄鄉縣周改為廣昌隋仁壽元年改為棗陽縣

因棗陽村為名也

春陵故城在縣東南三十五里漢景帝子長沙王發

子春陵節侯之邑也代祖即位幸春陵復其徭役改

曰春陵

後漢代祖宅在縣東南三十里宅南三里有白水東

京賦所謂龍飛白水也

代祖父南頓君陵縣東二十七里

唐城縣州上東南至一百五里本漢隨縣地梁於此置下澁戍後

沒魏改為下澁鎮開皇三年改鎮為唐城縣大業二

年廢開元二十四年採訪使宋鼎奏置

唐城山在縣北三十二里

均州

武當下

開元戶九千八百五十九元和戶八千一百八十二

鄉二十鄉二十

漢南陽郡武當縣地也因山為名永嘉之亂雍州始

平郡流人出在襄陽者江左因僑立始平郡以領之

寄理襄陽宋孝武帝割武當縣以隸之後魏改始平

郡為武當郡開皇三年罷郡均州

州境東西南北

八到

西北至上都九百里東北至東都八百八十五里

東至鄧州二百四十里北至鄧州內鄉縣二百三十里東南水路至襄州三百六十里西至金州三百六十里

南至房州二百六十八里

貢賦

開元貢

麝香

山鷄皮毛

賦

絹布線麻

管縣三

武當

鄖鄉

豐利

武當縣郭上下本漢舊縣屬南陽郡後漢初延岑起兵於此後遂空廢宋元嘉末移縣理延岑城貞觀十五年於此置均州

武當山一名叅山一名太和山在縣南八十里高二千五百丈周迴五百里迺陰長生於此得仙

漢水去縣西北四十里水中有洲名滄浪洲則禹貢云又東為滄浪之水

鹽池在縣東南百里池水四周上生紫氣池左右草木十餘里氣所染著上如雪霜嘗之鹽味土人謂之

鹽花

鄖鄉縣

上

東至州一百十三里

本漢錫縣古麇國之地也左傳

曰楚潘崇伐麇至于錫穴是也漢錫縣屬漢中郡晉武帝改錫縣為鄖鄉縣隋初屬均州後隸房州貞觀又改屬均州

西山今名寶蓋山在縣西南三里其山南臨漢水漢水西自豐利縣界流入南去縣三里東有澇灘冬即水淺而下多大石又東為淨灘夏水急迅行旅苦

之歌曰冬滂夏淨斷官使命

豐利縣 上 東至州二百四十里 本漢長利縣之地也理在長利

州故以為名宋於此僑置南上洛郡屬梁州後魏文

帝改南上洛郡為豐利郡又立豐利縣隋以豐利縣

屬金州貞觀八年改屬均州

錫義山一名天心山在縣東北六十五里山方圓百

里形如城四面有門相傳以為靈仙所居

漢水南去縣二十里

房州 房陵下

開元戶一萬四千四百二十一
元和戶四千四百

鄉三十四
鄉三十四

禹貢梁州之域古麇國之地左傳曰楚子伐麇成大

心敗麇師於防渚闕駟以為防陵即春秋時防渚之
得名蓋自此也戰國時屬楚秦為漢中郡地漢立房

陵縣屬漢中郡後漢末立為房陵郡建安三十四年

蜀先主遣宜都太守孟達征房陵殺太守申耽魏文

帝時孟達降魏魏改房陵郡為新城郡後達叛魏降

蜀司馬宣王擊殺之侯景之亂地入後魏至周武帝

改為遷州貞觀十年廢遷州自竹山縣移房州於廢

遷州解即今州理是也

州境 東西南北三百六十九里

八到 西北至上都一千六百六十八里
東北至東都一千一百五十五里

東至襄州四百二十里水路五百八十四里
正西微北至金州五百四十里
南至歸州山路五百里
北至均州二百六十八里

貢賦 開元貢 麝香 麝香 蠟 鍾乳 竹五箇 賦麻布
元和貢 麝香 苗草 石南 雷丸

管縣四 房陵 永清 竹山 上庸

房陵縣 郭下 本漢舊縣屬漢中郡後漢改防為房後

魏以為光遷縣貞觀十年復改為房陵

房山在縣西南四十三里其山西南有石室似房因

以為名

建鼓山在縣南一百十三里與馬驥山連接二山並

高峻冬夏積雪

筑水出縣西北葦山經縣北二里魏遣夏侯泉與張
郃下巴西集軍宕渠劉備屯軍筑口即此水也

趙王遷墓在縣北九里秦使王剪滅趙徙趙王遷於
房陵

永清縣 中 西至州 一百十里 本房陵縣地後魏廢帝分房陵

東景置大洪縣地周武帝改為永清縣屬遷州隋改

屬房陵郡

沮水出縣西南景山東南入于漢江左傳曰江漢沮

漳楚之望也

筑水經縣三里

大江故縣城在縣東六里

竹山縣中下 東至州 一百四十八里本漢上庸縣古庸國也昔武王

伐紂庸人往焉故牧誓云及庸蜀羗鬻微盧彭濮人注云庸濮在江漢之南左傳曰庸率群蠻以叛楚使盧戢黎侵庸後遂滅之至漢初立上庸縣屬漢中郡後漢於縣立上庸郡後魏改置竹山縣因黃竹嶺以爲名也

方城山在縣東南三十里頂上平坦四面險固山南有城周十餘里

白馬塞山在縣西南三十五里初孟達爲新城太守

登此山而歎曰劉封申耽據金城千里而不能守豈丈夫也

黃竹山在縣北百里山上竹色皆黃因以爲名也

上庸縣中下 東至州 二百五十里本漢上庸縣地也按漢上庸縣

今竹山縣理是也蕭齊武帝分上庸縣地於此立新豐縣屬上庸郡後魏改爲孔陽縣因界內孔陽水爲名開皇三年罷孔陽縣仍移上庸縣理於廢孔陽縣理屬羅州貞觀十年改屬房州

長蘿山在縣北四里

孔陽水在縣西五十步

元和郡縣圖志卷第二十一

